

Delegat Dragutin Rodić postavio je pitanje Vijeću ministara BiH i Ministarstvu civilnih poslova BiH, koje glasi:

„U Republici Srpskoj 2011. godine formirana je radna grupa za izradu Nacrta zakona o zvanjima, koja je svoj rad okončala u septembru 2011. godine i pripremila okvirni tekst ovog zakona za daljnju proceduru. U međuvremenu počela je s radom radna grupa za izradu Prijedloga pravilnika o korištenju akademskih titula, sticanju stručnih i naučnih zvanja u BiH čijim su tekstom na bitno drugačiji način definirana najvažnija pitanja u ovoj oblasti. Ministarstvo prosvjete i kulture Republike Srpske je, cijeneći neophodnost usklađivanja i pravnih rješenja na teritoriji cijele Bosne i Hercegovine u pogledu akademskih titula, privremeno obustavilo daljnju proceduru usvajanja Zakona do donošenja navedenog pravilnika. Prema mojim saznanjima, donošenje Pravilnika za koje je zaduženo Ministarstvo civilnih poslova BiH, u završnoj je fazi. Smatram da je potrebno da se sagledaju svi aspekti postojećih problema jer nepostojanje jasnog propisa iz ove oblasti stvara probleme u praksi i čitav niz nedoumica prilikom donošenja pravilnika o organizaciji i unutrašnjoj sistematizaciji u raznim institucijama.

U kojoj fazi je izrada Pravilnika o korištenju akademskih titula, sticanju naučnih i stručnih zvanja u BiH i kad bi se moglo očekivati njegovo usvajanje?”